

## Hiika Ibaadaa

### Description

Hiika ibaadaa (gabbaruu, gabbarii) irra deddeebiâ€™uun bakka adda addaatti ilaalle jirra. Garuu namoonni hubannoo garagaraa waan qabaniif namoonni gariin haala tokkoon hubachuu yoo dadhaban haala biraatin carraan itti hubatan guddaadha. Kana hubannoo keessa galchuun hiika ibaadaa warra beekumsaa (ahlal ilm) irraa asitti ni dhiyeessina. Ibaadaa sirritti beeku fi hubachuun laa ilaah illallah sirritti akka beekanii fi hubatan nama gargaara.

Sheyni mufassirootaa kan taâ€™e imaamu Xabarii (rahimahullahu) ni jedha: â€œhiikni ibaadaa-ajajamuun Rabbiif of gadi qabuu fi of xiqqeessuun Isaaf gadi jechuudha.â€

Ammas ni jedha: Arabouta hunda biratti ubuudiyyaan (gabrummaan) hundeen isaa Az-Zillah (xiqqueenya). Karaan qaacaâ€™aan miilli irra irra deemtu muâ€™abbad jedhamuun moggaafameâ€¢ Ammas, gabrichi gabricha kan jedhameef bulchaa isaatiif waan gadi of xiqqeessufi.

Akkasumas, Firaâ€™awniakkana jechuun Nabii Muusaa fi Haarunitti akka dhaadate Rabbiin oltaâ€™aan ni hima:â€¢Ummanni isaan lamaanii nuuf gabrootaâ€¢ (suuratu Al-Muâ€™minuun 23:47) Imaamu Xabariin ibsa kanaa ilaachisee ni jedha: Kana jechuun: isaan (ummanni) isaaniif kanneen ajajamaniidha, of gadi xiqqeessaniidha, ajaja isaaniitiif ni ajajamu, isaaniif bulu.

Arabni nama mootiif bule hunda, â€œinni gabricha isaatiâ€¢ jechuun moggaftiâ€¢â€¢ Tafsiir Xabarii-1/69, 160-18/25)

Ibn Kasiir (rahimahullahu) ni jedha: â€œAkka lugaatti ibaadaan [hundeen isaa] az-zillah (xiqqueenya) irraa kan taâ€™eedha. Ni jedhama: xariiqu muâ€™abbadu, baâ€™iiru muâ€™abbadu. Shariâ€™aa keessatti [ibaadaan] jecha, â€œjaalala, gadi of qabuu fi sodaa guutuuâ€¢ of keessatti qabateedha.â€ (Tafsiiru Qurâ€™aanil Aziim 1/26)

Imaamu Baghawinis (rahimahullahu) jecha Rabbii oltaâ€™aaâ€œIyyaka naâ€™abudu (Si qofa gabbarra)â€ jedhu ilaachiseeakkana jedha: kana jechuun gadi of qabuu Si tokkichoomsina, Siif tole jenna. Ibaadah jechuun gadi of xiqqeessuu fi gadi of qabuu waliin ajajamuudha. Gabrichi gabricha kan jedhameef sababa xiqaenya fi masakamuu isaatiifi. Ni jedhama: xariiqu muâ€™abbad-kana jechuun karaa laaffifamee (qaaccaâ€™e)â€¢ (Tafsiiru Baghawi-1/55)

Ammas, hayyuun An-Nahaas jedhamuakkana jedha: â€œAkka lugaattiIbaadaa jechuun gadi of xiqqeessuu fi of gadi qabuu waliin ajajamuudha.â€¢ (maâ€™aanil Qurâ€™aanil 1/46)

Jecha Rabbii oltaâ€™aa â€œSheyxana hin gabbarinâ€¢ (suuratu Yaasin:60) jedhu keessatti jecha â€œibaadaa (gabbarri)â€¢ jedhu, beektonni baayâ€™een â€œajajamuunâ€¢ ibsan. Kana jechuun shayxaanaaf hin ajajaminaa. Haaluma kanaan, ibraahim abbaa isaatiinakkana jedhe, â€œYaa abbaa koo! Sheyxana hin gabbarinâ€¢ (suuratu Mariyam:44) jedhu keessatti â€œajajamuunâ€¢ ibsan.

Ibn Taymiyah (rahimahullahu) ni jedha: â€œIbaadaan dubbii fi hojiwwan keessaa fi alaa irraa wanta Rabbiin jaallatu fi itti gammaduu hundaaf maqaa wali galaati.

Salaanni, zakaan, soomni, hajjiin, dhugaa dubbachuun, amaanaa deebisuun, haadha abbaa tola oolun, firummaa (rahimummaa) sufuun, waadaa guutuun, wanta sirriitti ajajuu fi wanta badaa irraa dhoowwuun, kaafirotaa fi munaafiqotatti qabsaaâ€™un, ollaaf, yatimaaf, miskiinaaf, karaa deemaaf tola ooluun, duâ€™aayin, zikriin, Qurâ€™aana qaraâ€™uu fi kkf ibaadaa irraayyi.

Akkasumas, Rabbii fi Ergamaa Isaa jaallachuun, Rabbiin sodaachuu fi gara Isaatti deebiâ€™uun, amanti Isaaf qulqulleessuun, murtii Isaatiif obsuun, qananii Isaatiif galata galchuun, murtii Isaatti gammaduun, Isarratti hirkachuun, rahmata Isaa kajeeluun, azaaba Isaa sodaachuu fi kkf ibaadaa irraayyi.â€œ[1]

Sheykh Abdullah Abu Baxiin (rahimahullahu) ni jedha: â€œWanta kana ifa godhu keessaa tokko shariâ€™aa keessatti daangaa ibaadaa beekudha. Wanti Rabbii fi Ergamaan Isaa ajaja dirqamaa ykn jaallatamaa itti ajajan hundi ibaadadha. (Kana jechuun wanti dirqamaa Rabbii fi Ergamaan Isaa namoonni akka hojjatan itti ajajan ibaadadha. Wanti jaallatamaan akka hojjatan itti ajajanis ibaadadha.)

Beektonni gariin, â€œibaadaan ajajamuudhaâ€¢ jedhu. Kanaafu, wanta itti ajajaman hojjachuu fi wanta irra dhoowwaaman dhiisu of keessatti hammata. Wanta Rabbiin subhaanahu itti ajaje keessaa tokko duâ€™aayi fi Isa kadhachuudha. Ni jedha:



â€œGooftaa keessan gadi of qabuu fi dhoksaan kadhaa. Dhugumatti, Inni daangaa darbitoota hin jaallatu.â€ Suuratu Al-Aâ€™araaf 7:55

Gabrichi ajaja Gooftaa isaatti yoo bulee fi mukhlisa taâ€™uun Isa kadhate (duâ€™aayi godhe), kuni isa irraa Gooftaa isaatiif ibaadadha. Yoo Rabbiin ala kan biraaj kadhate (duâ€™aayi godhe) immoo, wanta kana gabbarree jechuudha. [Hadiisa] sunana keessatti Nabiyyii (SAW) irraa: â€œDuâ€™aayin ibaadadha.â€ Jechuun dhufee jira. Hadiisa biraaj keessattis, â€œDuâ€™aayin dhuka ibaadatiâ€¢ jedhamee jira. Nabiyyiin (SAW) duâ€™aayi ibaadaa jechuun moggaase. Duâ€™aayin mataan isaatu ibaadadha. [Gadi of qabuu fi jaallachuun] wanti kadhatamu hundi gabbaramaadha.â€ (Risaalatu taâ€™asiis At-Taqqiisi fi kashfi talbiis Daawud bin Joorjiis-fuula 91-92)

Hiika ibaadaa ilaachisee wanta beektonni kunniin asi olitti kaasan yeroo darbe wanta lama jalatti guduunfine jirra. Namni barbaadu duubatti deebiâ€™ee â€œHiika Laa ilaah illallah-kutaa 1ffaaâ€¢ laalu dandaâ€™a.

## Ibaadaa ilaachisee hubannoo hanquu fi dogongoraa

Namoota keessaa nama ibaadaa hubannoo hanquu fi cinaa hubatetu jira. Isa biratti ibaadan mallattoolee gabbarri agarsiisan kanneen akka salaataa, zakaa, sooma, umraa, hajjii, zikrii, Qurâ€™aana qaraâ€™uuâ€¢! irra hin darbu. Huduuda, adabbii yakkaa, murtiwwan waliin hojjachuu, waraanaa, wali

galtee, wal dhaalu fi kan biroo irraa seerri Rabbiin azza wa jalla kaaâ€TMee fi baasee maqaa ibaadaa keessa hin seensisan. Kuni hubannoo dogongoraa wanta Rabbiin murteesse faallessuudha. Yommuu hubannoo dogongoraa sekulaarizimiin amantiif qabu dubbannu gara kanaatti akekne jirra.

Ibaadaa ilaachise hubannoos sirriin, amantiin guutuun ibaadaa keessa seena. Sheykhul Islaam Ibn Taymiyaan (rahimahullahu) ni jedha: â€œAmantiin (diiniin) guutuun ibaadaa keessa seenaâ€! Diinin hiika of gadi qabuu fi xiqqessu of keessatti hammataâ€! Ni jedhama: yadiinu Allah, wa-yadiinu lillahi-kana jechuun Rabbiin gabbara, Isaaf ajajama, Isaaf gadi jedha. Diinin Rabbii: Isa gabbaruu, Isaaf ajajamu fi Isaaf gadi jechuudha.â€ [2]

Kanaafu, *wanti Rabbiin azza wa jalla itti ajaje hundi ibaadaa keessa seena* jechuudha.

Rabbitiin azza wa jalla Isaaf hojji qulqulleessuun dirqama akka taâ€TMee ibaadaa fi wanta biraa keessatti addaan hin baasne. Kana irra, Isa qofa gabbaruu fi wanta Isaan ala jiran gabbaruu dhiisutti ajaja walii galaa ajaje. Gosoota ibaadaa keessa gosa tokko kanaan adda hin baasne. Salaatas taâ€TMi, duâ€TMaayis taâ€TMi isaan lamaan alatti gosa ibaadaa adda baasun â€œgosa ibaadaa kana keessatti ikhlaasni ni barbaachisa, gosa biraa keessatti hin barbaachisuâ€ hin jenne. Kana irra, ibaadaa hunda keessatti hojji Isaaf qulqulleessutti (ikhlaasatti) ajaje. Ammas, gosoota ibaadaa keessaa gosa tokko shirkii itti hayamamu filatee adda hin baasne. Kana irra, ibaadaa hunda keessatti shirkii irraa ni dhoowwe. Amantiin Rabbiif qulqulluu taâ€TMuu hin dandaâ€TMu hanga ibaadaan gosa kamiyyuu Rabbiif qulqulluu taâ€TMutti malee.

Kutaa itti aanu keessatti gosoota ibaadaa yommuu ilaallu hiika ibaadaa caalatti ni hubanna. Share gochuun namoonni akka qajeelanii fi ifa argataniif gumaacha haa goonu. Dhugumatti barnoonni tawhiidaa barnoota garmalee barbaachisaa namni kamiyyuu barachuu qabuudha. Faaydaa dhuunfaatiif jennee beekumsa Islaamaa yoo dhoksine, Guyyaa Qiyaamaa deebiin keenya maal taâ€TMinna laata? Qurâ€TMaanaa keessatti:

إِنَّ الَّذِينَ يَكْتُمُونَ مَا أَنْزَلَ اللَّهُ مِنَ الْكِتَبِ وَيَشْرُونَ  
بِهِ ثُمَّنَا قَلِيلًا أَوْ لَتِيكَ مَا يَأْكُونُ فِي بُطُونِهِمْ إِلَّا النَّارَ وَلَا  
يُكَلِّمُهُمُ اللَّهُ يَوْمَ الْقِيَمَةِ وَلَا يُرَزِّكِيهِمْ وَلَهُمْ عَذَابٌ



â€œDhugumatti, warroonni kitaaba irraa wanta Rabbiin buusee dhoksanii fi gatii xiqqaa ittiin bitatan, isaan sun garaa isaanii keessatti ibidda malee hin nyaatan. Rabbiin Guyyaa Qiyaamaa isaan hin dubbisu, isaan hin qulqulleessu, isaaniif adabbii laalessatu jira.â€ Suuratu Al-Baqarah 2:174

Kitaaba irraa wanta Rabbiin buuse dhoksuun gatiin xiqqaan isaan bitatan ykn argatan, takkaa qabeenya takkaa immoo beekkamti fi sadarkaadha. Namni faaydaa fi barnoota aayah tana irraa fudachuu barbaadu, Arabiffa yoo beeke kitaaba kana fuula 261-265 haa dubbisu. Arabiffa yoo hin beekne fi wifi yoo hin fayyadamin saantima waan fixuuf hin tuqinaa. Hammi (Size) isaa 8.42MB:

<https://islaama.files.wordpress.com/2020/02/baqara-2.pdf>

---

[1] Al-Ubudiyyah- Ibn Taymiya, fuula 19 [2] Al-Ubuudiyyah-fuula 24

al-Jaamiâ€™ul Mufiid liduruusi taâ€™allumi tawhiidfuula 98-113

**Date Created**

February 7, 2020

**Author**

admin